



**SEV**  
SECRETARÍA DE EDUCACIÓN

**AVELI**  
ACADEMIA VERACRUZANA  
DE LAS LENGUAS INDÍGENAS

## TLÉN KINEKIH MOAMATLALISEH MASEWALMEH TLEN TLAHTOWA IKA NAWATLAHTOLLI TLEN KUEXTEKAPAN TLALLI

Weyi tlanawatiloyan tlen chalchiwekan tlalli iwaya ne Secretaria de Educación de Veracruz wan Academia Veracruzana de las Lenguas Indígenas (AVELI), ken kiihtowa xeltlanawatilli 4o, tlahtlapantli XXIII wan XXIV, amatlanawatili 385, tlen moixnexti ipan 19 tonatih tlen septiembre mestli tlen xiwitl 2007; kampa tlatzkitok kenihkatzah ne AVELI wellis kihchiwas, ma moamakixtikah masewalmeh tla ihkino kinekih, tlen welih kitekiwiyah imasewaltlahtol tlen ewah ne kuextekapan tlalli. Ni AVELI kinmakas se amatl ne masewalmeh tlen tlawel ipati; pampa ihkino tlatzkitok ipan amatlanawatilli tlen itokah Gaceta Oficial del Estado, Ext. 484 tlen moixnexti ipan 5 tonatih tlen diciembre mestli tlen xiwitl 2016:

## TLAMATILTIAH

Masewalmeh tlen nawatlahtowanih tlen kuextekapan tlalli wan kinekih kiselisesh amatl tlen itokah Certificación de Proficiencia Lingüística, wan wellih:

**Tlahkuilowah ika nawatl**      **Kamatih ika nawatl**  
**Kikuamachiliyah nawatlahtolli tlen mopowa**      **Kikuamachiliyah nawatlahtolli tlen kikakih**

**Ipan ni amatlayehyekolli welisesh moihkuiloseh:**  
**AMAIXNEXTILLI TLEN KINMAKASEH TEKITINEH TLEN NAWATLAHTOWAH.**

Ni amatl kinmakaseh san tekitineh tlen kinekish, pampa melawa kintlahtlaniliseh kampa tekitih so kinekih tekitisesh.

## KENIHKATZAH MOCHIWAS

### AXTOH: TLEN MONEKI

- Moneki tikaxihtitos kaxtollitlan wan eyi (18) xiwitl.
- Titlahtos nawatl tlen kuextekapan tlalli tlen chalchiwekan.

### OMPA: TLEN MONEKI TIHCHIWAS

- Tipewaltis timoihkuilos ipan Sistema de Proficiencia Lingüística (SISPROLIN) tlen AVELI, ipan ne tepostlatemohketl: <http://www.aveligob.mx/profiling/>
- Timoihkuilos ipan tlanawatiloyan Oficina Virtual de Hacienda (OVH).
- Titlaxtlawas ipan tlanawatiloyan Oficina Virtual de Hacienda (OVH)
- Teipa titlamis kualli timoihkuilos ipan tlanawatiloyan SISPROLIN tlen AVELI.

### EXPA: AMAIXNEXTILLI TLEN KINMAKASEH TEKITINEH TLEN NAWATLAHTOWAH:

- Ipatih 18.1519 U.M.A. (Unidad de Medida de Actualización) tlen kiihtos-neki motlaxtlawas \$1,682 (Nawi tzontli wan nahpowalli wan ome tomih 00/100 M.N).

### NAHPA: NI TONATIH WELLIS TIMOIHKUILOS

- Wellis tipewas timoihkuilos ipan kaxtollitlan tonatih (15) tlen Junio mestli wan tlamis ipan sempoalli wan chikome tonatih (27) tlen Junio mestli tlen xiwitl 2018. Wan moneki:
  1. Tipewaltis timoihkuilos ipan ne SISPROLIN.
  2. Timoihkuilos ipan ne OVH wan titlaxtlawas.
  3. Titlamiltis kualli timoihkuilos ipan SISPROLIN.

### MAKUILPA: KENIHKATZAH WAN KEMAH KINMATILTISEH TLEN MOIHKUILOSEH

- Ipan mahtlaktli tonatih (10) tlen Agosto mestli tlen xiwitl 2018, kinyol-melawaseh ipan teposamatlatitlanistli wan ipan tepostlatemohketl ipan ne SISPROLIN, kampa nesisesh akiawantih tlatlahtokeya tlen moihkuilokeh.

### CHIKUASEMPA: KEMAH, KANIH, TLEN KAWITL WAN KENIHKATZAH MOCHIWAS NI AMATLAYEHYKOLLI

- **Tlen tonatih:** Ipan chikome tonatih (07) tlen Septiembre mestli tlen xiwitl 2018, kuextekapan talli.

- **Tlen kawitl:** 09:00 - 18:00 kawitl. Ni amatlayehyekolli pewas 09:00 kawitl, yeka moneki nimah xiasiti, pampa tla achi tlahkotona tiasiti ayohkanah mitzselisesh wan ayohkanah wellis tikalakis.

### Tlen moneki tihwikas:

1. Moneki nimah tiasiti.
2. Xinextis nopa amatl tlen mitzmakatosesh ipan ne OVH wan kampa nessi titlaxtlahtoka.
3. Xinextis se ixnextilli kampa nessi moixkopinka.
4. Titemakas eyi moixkopinka, keh moihkuilotok ipan "Guía del Sustentante".

**Se tlamatiltilli:** Kemah mochiwas ni amatlayehyekolli, axtle wellis tihtekiwis (tepossanilli, tepostlahkuilolli), yon se amochtili kampa wellis tihpowas kenihkatzah tihsenkawas ni amatlayehyekolli.

### CHIKOMPA: AKIAHWANTIH MOKAHKEH

- Makuilli tonatih (05) tlen Octubre mestli tlen xiwitl 2018, monextis ipan ne SISPROLIN, akiahwantih wan kenihkatzah kiskan ipan ni amatlayehyekolli.
- Tlen axkana moihkuilotok, kisenkawaseh tekiwahkemeh tlen ne tlanawatiloyan tlen AVELI.
- Masewalmeh tlen kinmatiltiseh kenihkatzah kiskeh ipan ni amatlayehyekolli, axkana wellis moteilwilisesh.

### CHIKUEXPA: KEMAH KINMAKASEH INAMAH

- Amaixnextilli pewas kinmakaseh ipan chiknawi tonatih (09) tlen Noviembre mestli tlen xiwitl 2018.

### CHIKNAHPA: KESKIH WELLIS MOHKUILOSEH

- San ompoalli wan mahtlakmeh (50) masewalmeh welisesh moihkuiloseh.

### MAHTLAKPA: TLEN MONEKI KITLEPANITASEH

- Nochi masewalmeh tlen moihkuiloseh moneki kitlepanitaseh nochi tlen moihkuilotok ipan ni "Guía del Sustentante", tlen kikixihtokeh ipan ne Proceso de Certificación de Proficiencia Lingüística tlen masewaltlahtolli. Ni nohia wellis moasis wan mopowas ipan: <http://www.aveli.gob.mx/guia-del-sustentante/>

**TLAH TIHNEKI TICHIVAS SEKINOH TLAHTLANILIS WELLIS TITLAHTLANIS:**  
Avenida Xalapaños Ilustres No 7, Edificio Radio Mundial, 5° Piso, Xalapa, Veracruz, México. C.P. 91000  
Teléfono wan Fax. 01 (228) 890 41 19, 8 90 41 20 | Tepossanilli wan WhatsApp: 228 218 40 89  
Amatepostlatitlanilistli: [contacto\\_aveli@aveli.gob.mx](mailto:contacto_aveli@aveli.gob.mx) | [www.aveli.gob.mx](http://www.aveli.gob.mx)

